

荷塘詩集

荷塘詩集卷五

感舊詩八首

中允座師東江朱公

諱佩蓮

早歲讀公文願見恨無緣我公今已遠情至誦遺
編一詞旣莫贊趨步正亦難開函每盟手舉然對
公顏善相九方術好士六一賢屢曾提玉尺高步
下木天冀野空騏驥龍門借風烟獨慙期許意迴

首滋長嘆往歲在庚辰星輅入秦關紀行百韻詩
憑弔舊長安振筆搖太華波瀾小渭川題碑慈恩
寺還仗筆如椽慘綠參末座諸生廣宴前拂拭重
拂拭衣鉢肯相傳攜我牕前作福示公卿間春前
望侯喜後堂引彭宣羣材歸陶鑄偏得荷恩憐豈
知下水舟竟成逆風灘公豈薄荒庄自覺成石田
職司况縈繫鞅掌走朔邊難將磨鏡具一問廣澤
川昨者都諫公不烈河汾絳帳懸雲間見士龍芝玉
誇謝元鳳毛真有種鶴姿野亦仙火急傳家法鄴

架富牙籤

文學母舅訥夫熊公

諱樹善

舅氏命不偶得病亦太奇偶爾一寒噓遂遭二豎
危文筆兩奇絕崎嶇刻苦爲極意追冥搜不屑寄
籀籀嘗以疎曠性或蒙輕脫嗤獨於文字間交推
無異詞劉蕢屢下第楊朱泣路岐家人交勸勉揮
斥碎玉卮醉來忽慷慨卷軸自翻披指說掇巍科
終如摘領髭我歸自浙水從索紀游詩重問湖山
美聚米分毫釐見說雲栖竹連天被山嶧便欲整

囊褚獨往問水湄出門別戚里歸坐長嗟咨我爲
詰其故不語頭低垂肝目執我手淚下不可揮自
言驚噩夢老屋風折懷上有垂白父下有黃口兒
我謂幻渺耳夫何至於斯詎意廢眠食神采日以
疲始而念老親強力猶支持繼呼具筆硯作爲太
華碑游踪記所歷文集補所遺嗚呼平生心絕筆
已在茲十年懷舊恨病榻和藥時

文學趙丈廷璧

我生硯席友半屬三黨親舅氏與襟丈契分尤最

真於舅禮數拘於丈形骸畏齒以五年長情好宿

世因我性本羅羅丈人自恂恂兩心得莫逆執跡

誰能論當代濂溪子

謂周官庶業師

講席涇水濱深院千

間厦上舍差魚鱗周北

道隆

劉中央

志道曹

而新

劉峻共

結隣一屋東西頭二張弟與昆

進

餘子各一區雜

沓難具陳攝衣作都講丈人醉乎醉同輩目趙張

有似依輔輪良會不可常倏爾惜離羣或爲世事

役或爲饑驅奔我亦作遠遊書劍赴南閩舊業鋤

經堂掩關對松筠瘴海鴈不到消息兩難聞旅夜

夢見之萬里合以神故侶周芝挺相遇

帝城闔含悽述訣去傾河淚沾巾信耶其夢耶輾
轉夜連辰骨相未應死命數何太屯炙鷄和絮酒
歸來哭墓門醉中過故廬一慟感路人爾者更咄
咄小阮彭齡亦喪淪玉樓需賦才生前悔綴文嗣宗
已預矣仲容又相煩一家重攝取何因問高旻

選拔張先生灝

世未棄君平君平不世顧要路讓行人終身無百
步西園棲隱地繞屋扶疎樹心輕萬戶侯低頭理

章句宣和名山圖向郭南華注茶鐺藜榻外卽此
是家具往來三數子都不及世務偶偕入酒壚拍
歌快一醺聽客談瀛洲徑訪天台去興盡山陰道
返櫂西興渡逢迎到廣陵烟花供小住要上黃鶴
樓迴踏黃州路簑笠西塞邊前身從一悟歸囊續
舊編又得江山助撒手忽長往門入歌薤露每憶
出塵姿雪天立孤鷺於像宜白描論詩合金鑄信
哉無愧詞刊碑表其墓

甘州太守沈公元輝

太守本姚江移家客汴上姓名闢乙科帖括實清
壯慕贊鐘開府疏薦尹使相宦蹟終甘州作邑先
保障涇陽繁華地胥隸摸金壙士民啖弱肉商賈
取外藏細瑣逮皮革搜攫恣酣暢維公無所染布
衾白苧帳臨事能決斷居心惟子諒遷去亦已久
輿情長相向輜車從西來哭聲震里巷徧插雷陽
竹未遂桐鄉葬講院榜瀛洲桂林賢宰勑唐公秉剛年
深鞠茂草雙扉鎖幽曠公爲重振興具禮倅宗匠
遺規事推尋諸生收時望百里政如斯五馬續堪

訪千秋名宦祠俎豆配東鄉

學錄張公雄圖

天府羅文昌

詔旨選鴻博寰海羣彥集聯翩登臺閣沈張兩諸
生東吳與東洛蹭蹬被放回品格自卓犖不彈鬱
綸袍嶢然雙白珏自戢培風翼未覺青冥廓尚書
上星辰礪山稍神夔公車終蹉跌壯志難銷鑠頭
銜領師儒

文治光羽籥獨憐貧且老田園失負郭不必果拾

橡已是真鬻駱我時客東都幽局屢剝啄破屋八九
橡梅老竹生籜蒸蘆鶩鴨鳴苦茗勝羊酪心傾
格律詩花簇錦繡錯十月氣鬱攸宮觀火蒿嶽金
錢出

內帑壯麗新榱桷廟碑需偉詞名手慙力弱扶病
拈鏤管文采照嚴整初稿尚什襲玉匣藏寶鏐眼
中失斯人大雅不再作

陳留尹陳公益

汴上舊交游吳人居其五孟公豪於飲相推爲大

戶憶曾登吹臺興酣同弔古一揮十紙盡落筆快
風雨本性自坦率緩帶趨公府指畫上官前忘形
或爾汝意氣甘相吏知己吾世父決河塞楊橋叅
議多撫取爲民謀休養有懷共傾吐督郵須折腰
彭澤遂解組我鼓江東柁遠迎過潯墅預得陸子
書王任下榻具鷄黍城南招徐公傳幽徑問蔣詡希宗
離情慰經年故人一歡聚顧老木瀆來德敲門夜
把炬又從得新知相偕楊祀部大本是忘年交儘
作諧謔語往來太湖邊供給煩地主別時話纏綿

握手情悽楚自言薄田薄又復耗雀鼠衰病日侵
尋婆娑似枯樹已賦止酒詩欲寄伯通庶我爲意
徬徨去去重旋武南鴻日漸稀晨星不堪數因問
一年具陳徐各坏土顧官比陸州任寧分遠宦音書
道修阻蔣翁強健否並難問卜疑死生與契濶陳
迹一仰俯

方伯張公鎮

張公八尺軀剛腸老愈固初逢閩海間青眼肯相
顧草冠聚雲霄囊韉自搜捕刺心斃野狼翻窟縛

狡兔岡山賊作逆出沒生番路林箐千萬重官兵
迷所處吾伯巡臺陽獨力守倉庫未卽搗巢穴軍
中失調度滋蔓將難圖致干中丞怒彈文飛白簡
聖明俯宥恕百日減醜類棄瑕邀

恩遇見事有遲速應讓公獨步繁當劾奏時慷慨

爲剖訴亦有孫觀察

孝愉時分
巡汀漳

能與同甘趣海道

甚渺漫事機須審慮臺城環木柵廩積無數居
守非膽怯障衛防竊據烏府獨見疑倡議作曲護
維公於吾家實無平生故此意深感激至今縈寐

寤風雨慘春陰失聲聞哀訃丹旄指泰岱引紼阻
奔赴宦蹟四十年閩浙及晉豫公道在人心口碑
在黎庶

王近光學博雪繭齋

十笏維摩便地六花蒼筤諸天端倪由來軒豁吏
隱之所盤旋

膝上佳兒文度堂中弟子彭宣會心應不在遠何
有異聞可傳

何禹門許畫不至代東趣之

豈是相促迫交游然諾情捫胸少邱壑吮筆愛縱橫
床榻屏風倚軒窗曉雪明流觀乞新樣投報景
山錯

送酒與黎城張菊墅明府並索近作

葉鉉長
洲人

知君亦呼渴薄釀爲平分此是西泉水新開一甕
雲名流應愛酒儒吏自多文硯席曾相共真詮畧
遣聞

魏明川孝廉攜酒至邀同王近光朱遵仙縱
飲再趣李疇九同年

白髮七十翁著屐踏秋雨草閣三日談酒人一時
聚飲不問升斗跡竟脫賓主更闌別起令不得作
常語廣文太原王晉祠誇蓮浦朱老本山陰巖壑
溯蘭渚僕言海上遊風帆鷺門鼓滿酌青田核快
擘白鹿脯再叙騎代馬戰場弔廣武大漠凌風雪
拂廬醉漣乳翁云足以豪聆之如目覩因及去年
秋蘇峪嚙九家此松菊墜壁間擘窠書流覽輒奪取是
僕黃州詩聊記赤壁觴李子空惆悵何妨索再補
但能傾家釀興酣命毫楮

題文衡山書畫卷

衆妙如何是一門
畫禪從得問元根
卽教藝死多能手
須待烟雲化筆痕

遺跡龍騰費品評
三三兩兩自縱橫
雙鉤舊仿停雲帖
攜到晴牕爲眼明

逸少應知殊鐵石
道元須要辨朱繇
未能心計都無語
聊當紅牙下一籌

錫三至得馬太初
李仁哉周學山周
葵堂書

并各題余採芝圖詩寄答一首

羣仙應俛眄拍手笑癡頑却念烟霞侶傳聲碧落
間長風吹萬里薄夢到三山仗外從瞻望蓬萊正
列班

發太原

慰藉都應是恕詞交遊心事惜臨岐術疎馭吏羞
吾拙罰止移官荷

聖慈桑下猶憐三宿後并州已及十霜期蕭蕭秋
柳斜陽道嘶向迴風馬步遲

香河別家文石

既爲人所誤誤任卽吾咎相見多慰詞對慙夙期
厚薊門秋雨夕明燈共盃酒便邀向淑陽高宴作
重九西齋頗靜便挽住兼旬久遠送致丁寧回轡
重執手兄以十年長心苦風塵走勸我及身強未
可歸田畝因憶里門別要路望躡取不謂坐疎畧
此意竟孤負途泥蹶馬蹄灘風迴鵠首雷動發蟄
伏春轉蘇花柳頽唐吾豈敢膠固亦何有振翼沙
汀鴈飛過前渡口

聞張也哲茂才刻家集

夫子遺文在無能贊一詞通懷憶疇昔脫稿示敲
推琬琰鐫相稱銀根辨自知睪然心背誦感望不
勝思

葉湘佩同年乞鐫小印并索畫

鐵筆應教韻有餘磨礧雙玉重躊躇年來手爪生
荆棘似此雕蟲技也疎

學字無成畫亦非鈍人作事與心違猶聞黃鶴山
樵法古黛皴中篆入微

東朱笠亭進士

琰海
鹽人

憑問流傳作何年脫稿來高吟經屢變生面自新
開風興三秋鶴雲蒸九醞醅吾詩多體慢一卷藉
刪裁

送長洲孫翼青之山左幕

於分慙推解爲君決去留窮途休泣阮善賦好依
劉岱嶽雲光霽吳門練影浮憑高豁鄉思乘便及
春遊

哭族兄用儀

吾宗士君子持行比文醇友愛偏於我鄉評慚自

人答書經月斷入夢近時頻哀訃傳迴使情傷未
了因

與邢季佩

詩篇應滿篋不復問其餘宿昔論文友浮沉遠道
書微吟亦尚爾結習未能除商畧同閒畫離懷藉
少舒

周葵堂樞部招飲疊韻

一笑憐君無夙逋團欒促坐撥床書冬來羅酒天
然白今早冰鮮上市初

投轄無防閤後逋酒人得酒藉澆書中厨一斛誰
能盡徑似康成赴本初

陳暎千湘管齋圖

焯烏程人

我得小印古蒼玉辨識篆文千畝竹擬向渭川移
此君環繞中田老瓦屋君以湘管名其齋當知窻
扉在寒綠南遊未及訪君家披圖烟翠搖雙目君
才亦如標格清壯遊初到長安城珠玉揮毫驚老
宿雲烟落紙動公卿手中不律剛七寸犀箸比圓
玉比潤正是階前壓雪枝金剪裁來經幾閨請君

便草凌雲賦期君高展青霄步來鴻時與報平安
無爲思鄉作內顧昨聞秦地雨連綿戢戢冬笋應
行鞭客子回頭向西笑修篁明歲大如椽

途中寄山右諸故人

吟次長亭復短亭

劉仲根司馬贈余句

遊踪浪漫記曾經未

應雙屐遺衡嶽從得扁舟問洞庭舉臂已隨風浩
浩粘天忽見草青青鴈門寄語新歸鴈遲待秋光
立遠汀

寄退谷四弟漢中

世父憐晚子課書廬墓時今茲初捧檄色笑及承
慈儒秩家風在五伯父官大荔廣文江城飲興宜溫經還閉
閣好爲慰心期

碧水通湘漢時時望尺書羈懷念諸弟宦跡半離
居最是談經者蕭然問字餘黔南錫三攝令玉屏維三往焉與

江右

映躍在弋陽丞

近已寄雙魚

寄八弟修以索白鶴山人畫馬

我負書畫癖隨齒日以長水程堆滿船陸行載兼
兩去年入京國倥偬束囊褚唯挈蜀山圖如偕白

鶴侶秋陰邸舍中。閉門望盟柳宣紙。三丈餘規撫
畢。十日君來省。問我並示迷真贗。緘收蘇合丸。聊
分蠅螬轉。徐徐語以實。君笑欲脫頤。念我太作勞。
相勸具微詞。生平無他好。消閒藉紙墨。感君甚慙。
懇積習。那拋得。桁衣無常主。由來七世矣。通靈飛
著君。祇合任包匭。獨悵汗漫遊。濶絕恣騰蹕。雲帆
凌重洋。蠟屐周五嶽。心艷鄒簡酒跡未及西川時。
一憑此弓置身雲棧邊。竹樹森陰翳澗磴。互繚繞
浦遠水光淹。雲斷天色晶。蒼茫嘉陵江。杳靄巫山

峽疑有林猿嘯徑與沙鳥狎歷歷縱冥搜渺渺豁
積思從証杜老詩勝讀陸子記况復蹊徑熟做摹
易著手粉本儻別求研思須持久背臨固亦可妙
技豈按譜氣運或不減結構要默數愛我本初心
揆取恐矛盾好將附急遞爲供粲然觀老眼待昏
花諸有散兒輩約此屬應哥阿闔不許愛弟有子
名應長
於兒闔
者五月

九言寄問凝撫

行篋失却水墨蜀山圖閒中兀坐苦憶減歡娛幾

回拭紙吮筆缺粉本。與呵收藏不力之痴奴。昨來傳札嵩陽問中弟。連朝反覆尋思恐涉誣。菊兒見我不樂也。揣測或是季父攜去供追摹。僮子臆度之詞。那可用季也。知我於此作工夫。平日自甘著色貌山水。潑墨讓我獨步無爭驅。春初里門送遠向衡霍。贈行平分所有畫一厨。堆床盈几披翻手。緘裹得非忙中小誤致遺珠。近聞東書仗劍赴西域。崑崙黃河氣勢甲蜀都。到處當知心記備方畧。卽教聚米毫釐不差殊。酒泉未窺使我負渴思。好

爲揮寫巨幘徑丈餘細檢舊弓跋尾認大草並寄
新詩萬里走長鬚

益陽道中卽事

溪外野人家門前畧犴斜高低桐子樹歷亂水萍
花歇馬依濃蔭鋪茵撥淺沙田翁出看客留話趣
煎茶

答宮守坡

去矜高
密人

稽首殷勤問老禪鏡磚針杵兩茫然林間宴坐徐
開眼爲指風蟬脫骨仙

再呈一首

時余權永州倅
坡攝行郡事

得將手板預追陪
但是相逢笑口開
談藝未應都盡諾
要公雄辯起風雷

送王藁洲守辰州

輕裝作郡去
遠道未攜家
楚徼資關鑰
辰陽富物華
舊傳誣意苴
爭肯問丹砂
自効姑臧守
如何衆望矜

我亦須行役
乘郵朱夏時
論心同驛館
無物寄京

師

謂令兄蘭
圃比部

到日能傳語
嘗云勝自知
樽殘相掛

別津吏候江湄

青岡

石路盡苔斑重銜過斷山森沉杉樹崦散漫藕花灣
林鳥羣驚起田家半啟關湖雲赴宿霧又送雨
潛潛

塘口驛書所見

飛騎洪山北中宵爲虎迴橋邊脫羈勒衣上盡莓
苔行路難如此勞生得已哉整鞍仍復去急雨逐
風來

黃陂郊外

塔影隔前溪橋邊午市齊
紵羅欹幔護蔬果帶花
攜此日停驂早輕雲籠樹低
迎涼得散步莎徑入
招提

過應山感懷謝登南

王錫涇陽人

病益宰官貧歸休自乞身
中愁虛藥物遺恨入風
塵瘠土催科緩通途力役均
停車問舊政父老話
沾巾

高陽里

壽春努力盡餘杯文若空驚帝佐才誰識將軍終
跋扈拂衣徑去朗陵來

宋呂文穆公墓下作

從薄新叅政無勞問姓名海容占相度神識屬書
生不取恩讐快能消水火爭楚人徒霸術夜宴絕
冠纓

望太行

太行險處嘗摧車故車柴脚勞頓餘幾度迴頭望
太行却向南雲墮渺茫中宵夢過藍車驛醒時身

在天岳陽返步滎澤尋古渡分明認得夢中路秋
風汾水早生寒忽看征鴻出烟霧遠通紫塞極沅
湘清影蕭蕭總好佳徘徊拱手揖山靈我與青山
原有故

將至望都先寄趙百川明府并柬李瑤仙
悒悒帷車坐欲枯林烟山影兩模糊微聞櫪上追
風驃快比雲間化鳥鳬借我來朝生羽翼與君今
夕卜酣呼幕中短李清狂甚共作飛談慰客途

北河明楊忠愍公祠

相臣深得主披瀝自陳詞氣激難終默身危豈未
知秋葵明晚照霜柏聳前墀遺集曾吟誦丹心五
字詩

荷塘詩集卷六

涇陽張五典敘百

先寄 都下諸親友

鷄鳴又渡蘆溝月
新秋霜華去臘雪
故人相見定相笑
萬里往迴電一掣
生平合是喜風塵
僕馬倦煩曷休歇
岳陽樓上晚山晴
武陵洞口朝霞世
未撥辰砂試丹訣
獨向浯溪看蘚碣
湖南郡邑多清絕
營巢偏是斑鳩拙
不爾官曹擁時傑
勾當公事

豈才缺我當投鞭作磬折旁觀從疑舌欲結憑仗
新詩爲解嘲振袖探懷不可遏諸君平日盡知音
得之幡然費評跋此生天遣窮冥搜故將崖壑縱
超越舊攜并州快剪刀瀟湘江水得輕裂

與周學山員外

馬首逢征鴈秋來似有期登堂還拜母羅酒爲呼
兒窻月迎霜徹鄰砧共杵遲猶疑舊講院絮語罷
書時

仿五君詠

馬太史雪嶠

太初本色人醉語尤真摯文思極綿邈推敲嚴隻
字史局慎所領念此千秋事招客休沐暇盃杓無
常器

葉中書湘佩

軒特葉中翰橐筆來蘆關聲名大槐市躡步香案
班光輝生屏障尺幅蟠連山有練必先書長看襟
袖黥

周繕部學山

水部鶴骨聳憂然振清響毛羽自整潔不屑事刻
瑳詞源初傾瀉春流浩泱泱紀消得真契更著深
沉養

周樞部象九

葵堂富才藻雜說不刷梳敏捷本性靈往往逼古
初戲作大小篆鳥跡閒蟲魚聘得茂陵姬教學簪
花書

邢太守季佩

季佩負傲氣不肯受籠絡放眼藐豪膽玩弄雜嘲

譚交遊遍天下鍾情詩酒約精鐵繞指柔尋常誰
能度

送薛補闕太史省侍樂陵

京華足樂事難繫望雲心
半老著斑袖東歸如故
林補詩襄治教載酒許追尋
我向瀟湘曲情依海上琴

讀補闕太史五禽言詩感成四首寄諸妹并

長女

姑惡姑惡姑不惡婦德薄姑雖不言意可知體貼

無能致相左生兒當娶婦所願勝於我

姑惡姑惡姑老病阿姁乳姑姊和藥乳食之甘藥
蹙眉姑與兩婦何厚薄

婆餅焦婆餅焦時婆心勞兒食莫嫌餅味苦阿婆
憐兒親著手母自爲之愈不可口

婆餅焦餅味雖苦婆心如飢婆憐弱媳代晚炊留
得餘力成兒衣

河南府拜先伯父觀察公祠感成五首

觀察
諱

字捐玉號鶴山
後學盛永璵填

使車迴上國紆路拜遺祠
內省浮沉跡多慙冥漠
知當初攜鶴至便已束書隨
未棄材中下承家繫
夙期

羣公交薦引

兆文襄公劉文正公裴文達公胡恪靖公常大中丞諱鈞

移守去

東都沉璧黃河曲還珠碧海隅
危隄籌上策遠郡

剖新符

辛巳河決楊橋檄調開封甲申奉命轉漳州

宦轍經遷轉相

將共弱雛

時五倫尚幼

上考開封尹清漳借一年見人偕計吏攜我上郵

船

以五典丙戌會試乙酉冬發自閩中

楓嶺浮天外燕臺就日邊東

堂空射策已不副恩憐

治譜家傳在低徊肯漫投晉陽從乞假彭島望乘

舟

引見擢臺灣道五典並蒙縣効用山西請假渡海省視戊子返擢厦門

恩以知繞

膝重依倚逾期更逗留蒼茫有餘恨浙水暮潮秋

伯父以壬辰七月卒於杭嘉湖道任

別後長伸誠盈箱手札存蹉跎成就教養負慈
恩蒲版伏轅馬衡山借樹猿此邦多故舊猶是望
騰鸞

香山寺

風前舉袂拂苔斑
認取題名翠壁間
不問高僧真笑客
又從暮雪借看山
寒禽撲漉烟林杪
暗月蒙籠水石灣
束炬中宵驅馬去
當年信宿得身閒

嵩縣書九叔父官齋壁間二首

二月春風雨散絲
村民爲說下車時
長官齋宿朝來早
酌水空山拜紫芝

吏報衙叅簇僕僮
無多教令示風裁
吾家原有東都守
但檢從前府帖來

題王藥洲畫

興來濡秃筆對客寫秋山雨氣層林外烟紅亂水
間故廬依少華昨夢到秦關自詡家居好憑看亦
解顏

題趙魯菴筦庫照

君家松雪畫格殊橫幅溪山高隱圖平遠一段摘
更好松徑莎坡結草廬著君絲履蕉衫客凭几搖
膝閒攤書本是疎通薄章句何妨紉瑣箋蟲魚自
我見君經屢月朝朝束帶公府趨那容兀坐遂真
性香爐茗椀供清娛會稽司農舊持節

謂階平又
先生

一村

長沙撫軍衙齋
蔣曉山遺跡也

邊闌一區枳籬竹屋極瀟酒

風雨往往招文儒分題霞彩三千牘命酒瓊英十

二壺衙官屈朱令公喜最憐野逸寬于子君得從

容恣放曠睡足曉懶息未哺隨意牙籤抽線帙開

向樽前當飲儲人生知已有微契不必剪拂施吹

噓卽看幘首擘策字

司農題恒手
一編四字

此中神賞定何

如我有紅袖侍書寫久置家山水竹居南北奔走

十餘載好景一失嗟難摹邱壑未大輸此本他時

取將對展舒要乞染翰爲跋尾吳興嫡傳今不渝

環碧螺書堂圖爲蔣薌舟明府題

舊從楊子聞渠說邵陵青山擁城郭

子安官邵陽者二年衙

齋高敞占孤坪幽琴一響徹巖壑君於此地開書

堂薜荔爲牆竹爲櫺官閒兀坐香篆清堆床經史

供炊酌簷際朝烟浮日華林外夕陰下雨脚客來

相對一窻深點檢篋中新著作恒州卧向環青樓

渾源子詩所謂環青樓外好烟鬟者是也

涅城剩有碧雲閣

武鄉子以甲午夏五

構我亦生平癖山水文字因緣應許託

丙申除夕作

我生頁微祿飄忽忘年深今來攸水旁又已過歲
陰繫鼎方委積懼爲尸陀林解脫與除故慰誨期
革心賜酺及漢臘開網憫楚音所以分黑白要如
杯割簪廳事燈火紅疑逢日在參豈無椒柏酒芳
筵却緩掛僕隸皆倦立聽剖且正衿同僚亦才傑
敢付范與岑

次答陳體齋檢討二首

君問樊川子

桐城張大司成

情於師門深見來病初愈霽

景豁積陰近詩中道要雜述並如林忘年舊通譜

見面且見心曾逢絮話夜許君最知音爲望早促
裝風雨盍朋簪攻磋他山玉功用藥籠參行矣赴
所約知不重慙斟與叅新得義快聯別後衿肯令
浮邱伯懸待明月岑

我知戴東原

震

研經功已深遊覽逢古蹟每嘗題

碑陰汾上失交臂鬱鬱望鄧林與君文字契莫逆
在兩心近得手著書緘束附遠音沙中披見寶石
上磨成簪欲報青玉案託詠紫圓參通懷忘固陋
出袖屬叅斟因風憑寄語六藝準喉衿議論歸雅

正佳名供仰岑

荆杜拾遺薦岑參狀子語

熊澧州見過寓館卽事有作

人生所見不能同對面祇應作啞聾偶然一語心
知妙相尋反覆觀其終昨來書估出絹素畧無欸
識色蒙籠脫口斷是孤雲筆君爲目張雙頰紅侵
晨攜童抱錦綖入門一笑撥書叢盟手欲開先贊
嘆丹青十幅石田翁時流評跋無當意要我題詩
取折中因說估人倍索直前言恨子太匆匆我慣
饒舌類如此從今銘戢箴誠功此冊示人勿輕易

從古真賞難遭逢君不見僧繚絕代推高手筆端
揮洒挾雷風未經點晴作飛去聚觀誰解是真龍
又不見錢塘戴進得古法雪江紅衣著釣舸供奉
諸人多忌刻排擠合力難相容無川聞此增感喟
蘭江春綠正浮空歸途夜泊書畫舫應看新月貫
晴虹

長沙詠古

漢南惟楚大中葉霸圖新纓絕仍留宴弓亡莫擾
人潁川招伍相汨水放靈均遙覺雄風滅聽謔國

步屯

交錯荆襄地蜀吳唇齒邦通懷推楚士

武侯答孫權書廖立

龐統楚之

罕譬割湘江

呂蒙進取長沙零桂關漢壽住益陽相拒魯肅曰今

良才也日之事宜相開譬往

與語乃割湘水爲界枉促韓元死誰先郝普降自

非奇計客殊量更無雙

黃旗招黠寇奔竄擲軍聲燕薊心旌指湖湘土域

清水攻隨日定機算以神驚忠獻原同志衡山命

卜塋

雨

便易湖天雨當春閒日來風披夕月吐霧引曉雲
迴曲檻欹紅藥虛庭上碧苔吏人多遂懶案牘手
親裁

復雨

今日雨又甚前階水欲平課耕應適野視歷爲占
晴寒積層川淥飛添亂澗鳴甌窶思北地霑洒望
清明

題蔣武陵問梅照

看花記著木棉裘庾嶺南頭作勝遊

明府舊移權任保昌

桃源深處去時尋前夢到羅浮

次韻答官守坡

詩思清微妙入禪箇中消息是天然坐枯未許真
成佛食蠹爭能便得仙

啞啞作語隊紛陪識解羣兒強半開爭似洪鐘雄
辯客偶然鼯息也驚雷

次韻寄答史九峯

詩筒報札認臧滕信有人間耐久朋薄宦推移憐
我遠隱流氣色賴君增已聞逸志同齊案祇剩柔

情爲買繪還問諸郎新課業誦書重約幾絲繩

錦石篇

爲黃蘗采
同年賦

海山使者有石癖環羅星宿三山閣玲瓏仙館雙

玉盤寒浸錦苔覆翠幕

家雪舫觀察有文石九枚
嘗見於福州官齋去夏長

沙梁冲泉廉使示所蓄黔江石多至
數十枚其北軒勝曰小玲瓏山館

玉質雲章各

天成誰假磨礪絕剗削我曾借觀清肺肝惜無詞

彩麗丹雘君從何處得此石燕儿安排看燥若憂

音便好作琴薦相文雅稱支書格山川無窮儲精

英散出人間供索摸眼底爛然還舊觀品題甲乙

恐誣鑒往者風戢弭彭島雨笠烟簑窮洞壑鐵樹
蟠屈青珊瑚石華參差雪跼蹐平生好奇志未饜
又尋雲母向衡霍曉瞰雲海盪心胸夜月瀑簾綴
瓊珞邀君去去躡飛屨凌霄臺上坐槃礴風前揚
袂招羣真餐玉相將跨鸞鶴

再賦

錦石錦石湘江曲水波清淺蕩沙出野漁網得笑
相看還拋岸旁翳草密一片精光不礙寒明徹星
月照霜日質重性貞寧自炫璞完姿好難終失碧

於翠羽紅丹砂白如凝脂黑點漆華含繪藻疊綺
穀暈生烟霞散雲霏幽人荷篠曳屨屨采藥朝來
閒跋躓竹梢殘雨下餘滴花叢新旭蒸清苾泛槎
疑是窮河源食芋浪傳泊海澨得寶自成一闕歌
迷目同驚五色筆請從什襲慢慢誇張不爾出入鍵
虛室似聞靈物慣飛走巧偷豪奪亦多術

疊韻答守坡

散花天女是真禪翠羽明璫自儼然碧玉風前爭
綽約裙裾捻綳說留仙

雕盤飮餽酒堪陪坐客茅堂小宴開要看禮筵鐘
鼓嚮排陳彝鼎古雲雷

答延陵君

相勸惜心力試還披我詩求工寧止此寓興偶爲
之背誦從兒女排編記歲時忙中多所負補綴正
無期

維三來自都勻旋歸應舉作詩送之

第五拜汝行情懷知何似此地艤歸舟流連不可
已秀削羅洋山浩瀚洞庭水經過入歌吟行笈堆

藤紙到家示羣季傳看色共喜壯遊益學問古賢
理如此夜坐說凱陽次第及滸溪蒼茫極遠天離
緒得毋起薄宦士之常豐約寧足齒水土各相宜
堪入老親耳

王古愚別駕貽蘭雪堂文集箋釋

君家紫髯老觀察

謂尊叔
梅影公

贈我松雪之十札錦暉

檀躡好裝潢豹囊兼投烏玉玦從乞農山大著作
口許相貽遲歲月積石山房有舊本流傳久矣多
殘缺元曾讀書守先澤謀將補注加箋說義重句

奇考訂難倉卒不敢付剞劂別來音信斷相聞遠
望空教心苑結逢君一問得所欲喜療調饑止枯
渴廢學徑至不識丁對此應合自摘舌嚮往有懷
豈朝夕好詞成癖誰攻熨袖歸當作十日思擬得
細字綴篇末蠡測管窺出所見與君互証窮毫髮
何人挑挾輕嗤點玉鉉瓊盃品已絕

望鸞山

灌田夏木千章清踏莎東去沿溪行橫約支撐激
湍曲晴晝噴雨飛雷霆山到僻處竹愈好蕭森直

上連青冥深壑綠雲厚委積啁啾風送幽禽聲流
聽不覺推欹帽懸崖糾繆垂蒼藤芒屨已輕苔斑
滑迴趾審顧無顛傾暮霞明徹鸞山頂梵鐘疏響
穿林炯脚酸經劫不敢取一鉤纖月方東升前川
有人喁望蚤流連安肯遲天明時皮陳兩族
乞往定山界僅僕
慢指烟際寺攜將歸路躋峻嶒由來清景未相負
山靈應合知平生杉磴松寮解迎客勝踐何妨隔
宿盟

登韻戲王松舟

翠髮長干覆額眉青梅初當引紅絲而今行跡隔
江水遲待蝶黃苔綠時

茶甌眩轉沸松濤檣櫓風爐續續燒漫指餅筵喜
歸路作勞雙耳響聊聊

胡公遜談及果園之勝聊述之

種樹無成書要在順其性大造亦因物土宜予蕃
盛風霜爲歛收本柯得堅勁雨露時沾濡華實遞
涌迸君有卅畝園紆斜通村徑培之經十年雲木
森相並紅紫照阡陌青黃入節令隙地一石床坐

臥聊適興撲棗或偷桃任人無伺偵攜筐餉親鄰
童孺皆歡敬相訪記長夏寂然門巷靜隔烟識語
聲隨繫果下乘留坐剖瓜瓢對談拾松柄苔蘚短
牆陰轆轤響寒清指說古甃中昨來出銅鏡取將
辨篆文漫漶迄難定蓄疑直到今至竟忘攷證卽
此驗疎畧正與奔忙併何能遂幽閒聞其炊甑
公遜得詩因及先伯贈公遺事感歎之餘再

成一首

憶昔吾世父食性耽蔬果兩紀客臯蘭流連到水

蘇晚年家居時時鮮嫌味左庶黎與蘋婆說著思
頤朶君知長者意投貺稠且糗往往娛老齋几盤
看堆粲分甘徧諸孫滿量不計顆石村分竹來怡丈
萬川簷際蒼雲墮練實未及待烟窓久空鎖交情
孝廉通有無細事舉堪荷君家囊頭春瀉盞玉光瑳聞
是釀花成其法試應可湘岸擷芳菲秣米同春簞
不然附鄉書教兒載輕舸

宿鍾村

濕衣山雨看如絲寂歷前林欲暮時細笋迸沙侵

古徑流泉紆石赴荒陂送迎炬火傳詞却勞頓輿
夫任步遲比日城中公事減未妨淹宿借茅茨

清陽鄉

霧雨濛濛下嶺時一川豁遠入新曦脫纒小犢浮
莎港呼食馴雞聚槿籬父老巾衫來向揖長官姓
氏問從知未容遂性專幽邃已識深山太古期

司空山

在昉述異記張畱仕南齊位至司空東昏侯時掛冠修道遂飛昇云

匹癸方辛費品評阿儂貨主豈相輕驚縷鶴警香
初染雲履霞裾計已成月上高壇長禮斗風來遠

嶺尚聞笙紺瞳下界重流盼合是遭逢美後生

連得山右諸故人書

有煩消息問如何
銜尾雙魚出素波
土俗初諳新政拙
人情迴戀舊遊多
嬉春晉水詩成軸
會獵桑乾馬渡河
輸與諸君寧不恨
一絃手撫獨酣歌

夜泊

施樓攤飯睡初醒
看卸輕帆著淺汀
戍角蛙聲迎落日
漁燈螢火亂繁星
翻風竹籜林傳響
繰繅蘼蘼蓬廬戶
未扃半袒生衣曳
櫻履追涼高岸坐
虛亭

泛舟送蔣七薌洲赴長沙

舟泛楓橋月上元後三夜十年無此樂今夕庶其

亞我初事北征閩嶠從策駕中路作留連三宿向

君舍伯氏相州公

恪亭先生嘗守彰德

先期爲多醅收有洞

庭柑兼致繳山蔗中山選兔頰端石和龍麝會合

諸詞客

楊祀部大琛顧比部德楙徐陳州傳星陳陳留益

鬪韻爭雄霸詩

成共謂我恨不見小謝君時遊粵嶺遠望抱孤咋

茂林攸水邊一灣可銷夏容易待君來清話那能

罷江帆乘夜發恐遭上官罵

時奉飛檄

自古有行役吾

曷獨歎咤促膝半日留積思憑慰藉倘逢奇鄉書
附聲到吳下蒼髯聞如舊酣歌應無腹後面又何
時揖別立風榭

荷塘詩集卷七

涇陽張五典敘百

寶都雙橋詩

山鄉問耕及晴曉溪上新橋工作好
筇與欲去重徘徊來揖褊褊見賀老
自言先世明中葉磊砢結構不草草
浪擊沙崩無早夜虹垂星隕將欲倒
聚族而謀更十年去冬慰勞得粗了
相傳題柱紀南溟日炙雨淋牧火燎
上流水淺岸差窄舊爲木約

跡如掃收此餘材重落成鳳嶺西來通古道黃鳳
其名義取爾土訛黃封未深攷乞請特筆書邑乘
分付後來憑再造許茲繼述有加禮慙然還覺櫻
懷抱徒枉輿梁係邦政牧令應須圖計早張弛舉
墜類如斯屬望喁喁豈鮮少指屈攝官三月餘馨
鼓高懸弗親考博濟無能勦 聖功食恩何以
報梁稻幽微彰顯寄有司淳化從徵徵福小易號
金龜與四明徑歸著姓揭雙表

答安化譙翁次居來書

石池徐子能章草亂剪烏金紙成之吾祖攜歸自
湘表空齋素壁蟠蛟螭廿餘年後逢君至指說親
看著手時案頭隨意翻搨本遊目信指忘撫規瞬
轉未及就隻字偏旁完好中含姿連筆貫串或三
五借點微茫補缺遺形體大小由伸縮丰神奕奕
色淋漓坐客談笑雜詆謔分酬何曾用意爲雙釣
自古有成法得毋跬步不相離休論臨摹爭能事
假面真骨知爲誰我時束髮學執筆心疑作語太
神奇移晷反復乞重述畢聽栩栩飛雙眉學書擊

劍都無就南來還尋峒嶠碑未陰雙碣左右次渚
溪十丈瓊琚詞手搦盡歸書畫舫誰同論古空嗟
谷意外知君正強健猶能細字寫烏絲花箋覩縷
多話舊籀雲墨妙谷口詩贈行記取東園地使我
感歎深廻思先季父號東園與翁善贈以沈太史
志祖法帖李進士念慈谷口山房集
筇枝會欸十房洞靜聽鐘鼓白雲匯溪口新茶好
收貯風爐活火分槍旗

送戴尉之郡因寄答諸故人乞花

憑君傳語向長沙起起明星夜放衙書本怱怱疑

作草情雖艷艷未栽花良朋多負尋芳約長物難
投好事家惆悵有聞存古意風流別是吏而華

試馬黃甲洲旋至講院

平洲淺草曉烟開偶趁晴風試馬來髀肉已曾閒
捉搦蟻封差不失繁回獨憐尋丈鳴弓地未放騰
驤盡驥材相術九方粗得解後生還覓子阿才

芳花

湘南春蘂已闌珊一簇瓊英水際看六出著花山
雪大青絲結藥壁蛛圓品應有論齊薺蔔香自能

空謝蕙蘭嘉木同名標舊史取材蠻徼樹兵欄唐書

安南都護王式至交趾樹芳木爲柵

寄興國吳信辰刺史乞松花菴詩草

西園詩叟

張印周先生

舊除壇爲待西州吳士安從乞

一編長袖得年深漸覺字迷漫

夏聲原有解人知法部伊涼開寶詞要把遺音重

按取風前朗詠二安詩

劉九畹輯二南遺音選入者特多又嘗並楊子安先

生以二安稱之

王蘖洲惠葛

氤氲輕瀝一池雲脫杼依然帶水紋襪襪應知無
浪觸清涼未惜與平分閒行取稱青絲履僵臥宜
和白練裙舊有蕉衫裁越海年來斑剝爲香熏

菊兒

漸喜菊兒長新書解點丹嘗憐得時晚多予課程
寬背誦希歡賞設疑聊試看罷燈逢夏熱口授坐
更闌

將赴長沙黃蘊采同年附書

孝樸溧陽人

家住江南瀨上村依林結屋竹爲門江邊漁艇僕

操網屋裏書聲兒課孫手札重題移日月客蹤遠
泛極湘沅傾聽歷歷心能記代覓游鱗寄故園

鐵佛寺塔

并敘

大中丞覺羅敦公記畧寺左有塔將頽謀修
之除篋得鐵柱貫其中長丈有四尺圓圍尺
有七寸約重百鈞首微銳鑄蟠螭下砥平如
截宋潭州判官李思明撰文進士董護書寺
僧曰道崧鐫工曰李昇計字七百六十餘楷
法雋妙鋸鑿精良洵奇觀云學使仁和李寶

幢先生倡爲鐵柱歌羣公屬和鐫於石快讀
之用韻成此

屢遊景龍觀閒聽搨鐘聲朱墨摹數紙鬱律看遺
銘聚合古精鐵土鑄回文成知是神人力不關匠
者能湘江古岸旁浮圖出化城深沉藏一柱寶光
上青冥佛祖儼丈六白毫散晶瑩維此黃金體善
分萬億形偶然豈一指妙已現七層倘問西來意
輪相風中鈴名山卓錫杖衍法從禪僧磨擔得爲
針分明覺衆生我來莊嚴就文幾難啟扃手未及

摩挲心獨愧精誠寶幢老尊宿前生悟惺惺纓絡
施供養維摩經起七寶塔以纓絡幢供養之法號尚可憑未是立文
字偈轉華嚴經和南戒壇下願從叅大乘

倒划子

一葉倒划子行行溯江水江上新落漲灘洲各陡
起牽曳復撐撥盡力見遷徙僕隸紛促迫曉曉與
計里豈知舟人心原自急於爾岸上有草廬轉過
前山趾妻兒待鹽米望之應久矣嘯風掛短帆所
指頃刻耳我僕是其說矚然共歡喜年來思佩韋

蓬牕書側理

菊兒作家書因示之

塗鴉差可辨著語未能多疑字翻書比廻看怕筆
訛余年在鄰甌此况憶經過拜使須知禮圓巾正
皂羅

唐東園飛瀑障

東園地僻洩江曲夾徑櫻櫚繞屋竹小樓木杪風
應開南岸山峯青簇簇夏午陰濃靜掩關啼鳥鳴
蛸聲斷續主人睡起一欠伸潑墨生紙墨花馥因

勢徑成南岸山却向凹處著飛瀑噴珠漱玉出雙
崖雲根石隙作洄洑我如坐甌居重城對之冷然
失炎伏自有此山知幾時忽決銀河注蒼麓翻疑
向日扶孤筇初把匡廬識面目鸞岡東下顧江清
彭蠡風帆一日足靜者長時雖懶出五老峯頭曾
借宿

燕

飛飛雙紫燕含哺往來頻雖長將翻翅心多尚畏
人安巢未驚擾率舞莫逡巡久是容相狎泥斑駁

坐茵

雞雛

雞雛一拳耳豈足備盤殮
縛急訶爲解羣呼縱使
奔驚人仍避跡應州似知恩
執爨須聽取哇疏佐
夜樽

萍

漫笑萍無蒂輕清不著泥
從來少疑滯自可任東
西風約終還展波衝枉用擠
若教池沼闊斗實定
堪攜

櫻櫚

正直標孤幹能禁風雨狂
當梢舒葉大拔地聳身
強桐老經霜白蕉寒壓雪黃
枝岐與叢翳子者乃
青蒼

翡翠

翡翠毛衣好雕籠養畫廊
色鮮文是累聲啞喙空
長聊爾供娛玩憐之未剪傷
羽鳴隨本性天路縱
飛翔

鷓鴣

捕魚深水底艱險乃心輕却是緣驅策聊將當網
紉積鯉經轉致一飽究難成人役都如是耕鷹獵
犬并

示皮生策陳生兆銓

姻婭原秦晉爭鬪幾吳越訟牘卅年餘綜覈爲一
決習俗盛楚南曄然乘悍黠山民奪地利藉口護
塋穴嗟爾俱士族此禍何由結中年列青衿蕭騷
到白髮子姓紛多口慙憑復牽拽時深氣填膺勢
欲無休歇亦有閭黨賢排解代剖別舌敝耳偏聾

徒與費詞說皮氏始祖母太邱所自出世代互約
婚同村依山廬墓舊交錯田園共凹凸童叟見
晨夕僕婢通棖闌小忿忘瓜葛積惡矜媒藥存者
旣久持化者應幽咽感動在天性無煩事辨詰汪
汪淚含睚諾諾心頓折讓畔古農風讓步廉士節
未肯絜短長又焉分畛囁曉人絕膠執達懷輕皆
裂況是戚里兼忍使恩義缺水木溯本源樊圃渺
瑣屑質成旣相就慢云望慈月疑團各自釋快若
爐點雪日昨相度處松楸森成列綠陰雙祠宇歲

時交莫駸

答黃叅戎穆園

秉淳漳州人海澄公立齋都督長公子仲氏中書秉鈞爲

先世父
門下士

雲邊楂影著清漳
梅雨荷風五月涼
金埒射毬馳騁裏
綺園戰茗坐松篁
名家情向師門重
離緒時牽海路長
麾蓋相逢娛契闊
附書憑報紫微堂

湖鄉賈明府空齋

湘山自空翠
湘水復空明
烟林山水曲
旌竿出孤城
石路穿廛市
縛茅列簷楹
官廨圍薜壁
薜荔緣

青青主人日焚香掃地坐深庭興來理徽絃聊作
一再行楚南諸州邑習俗可憐生訟牒如雪花几
案堆縱橫收令多雋賢察聽竭才能豈不勤剖析
終是苦調停從問循何道竟爾息紛更退然見遜
謝笑指空齋銘發光固璞玉衡品倍水晶還看熠
燿燭何如琉璃燈手爪絕纖埃孰與清淨瓶山河
在大地詎愁礙雙睛願得持此義徧語僚儕聽胸
次掃宿物但存一鏡清

別趙尉文煒

白髮盈頭就一官飛揚爲有壯心存朱門擁簪迎
嘉客綠幕探籌贊大藩嘗館蔣戟門司未解馮公
彈倚柱何妨惠子慮爲樽時憑畫諾多相助惆悵
塵騶駕去轅

舟人謝顏索書因記之

一幅瀏陽紙從索大草書何所聞而來使我重躊
躇往來攸水上龍公拜廟除巨壁字徑丈結構見
來初新詩在人口往往唱路隅記得賦芳花山雪
團壁蛛不待終其說引坐對傾壺問知士人子饑

驅泛江湖舉動自免俗骨相未礙癯平日應有作
再叩祇嗟吁父書不得讀覓句妙工夫幼時學強
識唐人千篇餘拋來惟背誦儲王劉脊虛得此已
足矣何有於子乎已慙不檢束敢爲誇癡符不見
高常侍漁樵家孟諸勲名復誰論詩法顧何如君
家衡山下卷帙定充廬相訪擬相借訂交肯許無
明日請書前詩再成四韻

廢學推言吏事忙指端荊棘自相妨筆床聊爾隨
茶竈小技公然對大方事未愜心唯獨覺子如愛

我止深藏却思秋月扁舟夜誰爲將軍感歎長

謝顛子詩

并叙

華亭王公思別駕詩序畧云謝顛子者白沙
市之寒人也父謀嫁媳遂病顛媳潛歸母家
誓志父無以奪而顛亦不知脩於銅塲得值
日奉親口食雖有弟未責與其養也憫其情
喻其父將納其妻庶可已其顛乎嗟嗟處人
骨肉大非容易藹然仁心詩得不佳耶讀而
和之

銅山官督役日計集千夫原以省勤惰藉得區賢
愚癡騃誰氏子疋羸一短軀語言苦口吃顚領苗
亂鬚問名隸舊籍按期無少踰量力慮難勝課功
衆不如負擔走風雨喘吁終慙慙告歸遲夜星蚤
來先晨烏厚稿償辛勞懷肉擎酒盃返舍遺父母
自甘飽秬稈火伴或嘲謔阿弟事獵漁得錢縱揮
霍調笑酒家胡爾命何窮薄收妻采靡蕪適纔山
上去願與相見無驀然只不省對之作軒渠背人
偷搵淚點點濕布襦頑傲可化誨徑爲造其廬感

激齊下拜室家當如初

舟中題石谷子畫冊

湘烟秋霽坐推篷
小兒香生古墨叢
合是詩情傳筆底
從知書味滿胸中
經營好在難尋跡
規仿由來未見工
供佛擬藏南嶽寺
氣含花雨散天風

衡山值范邁亭話舊

元颺沙縣人

自將宦跡說滎陽
謁郡初登刺史堂

先世父時回守開封

首生平一知己
看君衣上淚浪浪

白衣負擔過郵亭
偵問攜樽爲小停
初志遷移應

笑我平教猿鶴倚山靈

過雷家市因寄蘊采

芳洲藉草盡餘杯送我原從漢口來
文字前緣同可否料量後會久徘徊
墟烟羃羃橫山脚漁火星點水隈
便得乘流重問訊江空夜半櫂舟迴

衡州雜詩

峒嶺峯高上赤霄森森綠樹鬱山腰
韓公好古生何晚遺恨看碑到鄭樵

石曰難憑問故居

舊傳蔡倫宅有石
曰爲唐李懸取去搗殘玉杵憶

當初偶規魚網呈餘巧大節原堪竹帛書

涑陰誰並勒豐碑廟祭憑輸父老思江岸徧生諸
葛菜拾來爲想雜耕時

帷幄堪教作上賓烝陽高士說強鄰東行知否從

軍去孝直端難有替人

劉巴代法正爲尚書令

哀箏手撫一歌新江左安危仗老臣淚濕朝衫筵

上起使君原是讀書人

桓山傳爲桓伊讀書處

古木清陰記數株消閒茅閣少城隅好探聲叟歌

詩意結構重尋舊畫圖

垂老飄零杜少陵衡陽送雁意難勝北歸容易過
清渭中路廻翔慎避矰

書堂好是俯雙流初見遨頭作雅遊

呂溫有題尋真觀李秀才

寬書院詩合使劉郎談氣概雋賢交識呂衡州

應用湘南一縹囊憑將筆硯佐衡陽篷牕點檢羅
昭諫零落軍前急就章

宗臣

趙忠定公汝愚

惻欵一心丹謫向蠻荒道路難魂魄

定隨湘水去暗通潮汐到臨安

飛詔猶看越嶠通麾兵梅嶺赴元戎

文信公

雪仇一

罵方投筆好得泉臺見魏公

張鑑為忠獻公後裔

劫敗難爭一局棋江陵士馬順流時雄湘閣上飛

烟紫

李忠節公市

顧命曾非卜望之

大郡烽烟擾赤眉老翁霜夜仰天悲

張獻忠入衡州鄒承芬命

子孝廉統魯潛身告急廣南

乞師哭向秦庭去拄杖聲鏗為趣

兒

湘山冰雪正崢嶸嶽頂雲開看使星落筆風生天

籟起琅琅響答合江亭

朱東江師有和昌黎箇字韻詩庚辰臘月使桂林時

也作

鏡石

相傳舊爲有力者取去輒昏闇送還乃瑩然如初云

荆山多良玉元光獨可鑑愛此浯溪水長與其清
湛挈之去故處投照無一驗豈其能幻術判然分
明暗問石石不言臆度聊口占性質自耿介何以
對豪瞻顙頰唐詩娥慘顏抱隱憾歸來面復光仍
看美而艷浦還孟嘗珠路存彥方劍誰抱冰雪懷
好味鹹蘼淡

爲傅遜修少尹題令兄繼菴未了畫

五日一石十日水醉中一揮盡十紙書家畫師自

不知速非誇速遲非遲此幅落墨不草草流雲有
似秋陰時蕭森野岸樹株雜微茫沙路村橋欹一
片濕烟含漠漠雨脚飛注蒼巖陲渺瀰水氣接天
白失盡遙峯日之夕颺風蚤覺耳根來烘托翻教
眼界窄人琴抱慟幾經年斷素收得是遺跡意到
超然已有餘北苑脫畧破凡格

再得二絕句

遠山無樹水無波落紙雲烟也患多欲笑大癡癡
欲絕要添樵徑轉去聲青螺

點綴微雲滓太清晉賢名理可憐生文成非藉筆
端力琴妙不關絃上聲

永州詠古

懷王遺恨負芻知但看都龍列戍旗吳望居人來
避世石簞仙客去何時文傳咒詛終相剗驪結婚
姻蚤售欺三戶荒津能料得夥頤供帳漫驚疑

湘水東西界亦平尋戈翻手棄前盟焚艘計遂終

孤負犄角謀深屬老成

黃蓋蔣琬
俱零陵人

雲際寒星諸葛

嶺江頭飛鳥呂蒙城降旛鄰郡爭先出誰守零陵

樹漢旌

魏公晚節杜門居埽殿星文抗疏餘懷刺名賢稱
弟子楊誠齋驚心聘使問何如休論開府身經戰爲
想趨庭日授書地有遺風似鄒魯濂溪喬木舊精
廬

呈宮守坡先生

先生詩品在山左論應比得飴山翁先生譚菴出
新義不減當時徐廸功秋宵坐客層軒下盈樽鄴
酒燒燭紅倒笈鱗差攤副本疎行淡墨蟠蛟龍刪

存更番務愜當似笑時賢欺啞聾矮紙小錄祇隨
意評騭三唐分兩雄昌黎一通振鼓鼓少陵萬石
懸洪鐘擣擊傳聲任枹杖鏗錡餘響隨霜風無端
起止鳴天籟謫仙簞絕非人功古今巧力那可料
學子好憑游殼中憶得錢江暢斯旨禪僧謂恒上人轉
述推法宗鈍丁壽門並老宿同時拜倒從折衷茲
來快得見所見頓將苑結寬心胸羅襦襟解聞薌
澤朱印重破開黃封從容問到囊中句爲慙異曲
難同工謂秦無人作西笑知尊齊魯舊吳儂雲間沈沃

田叔守坡集有云 國朝詩人自漁洋為齊魯之
大宗嗣後作家比肩林立犄角墮地江左之士且
有北面而從軟者而秦晉無聞蓋
洋洋乎表東海者厥惟齊之風焉

紫亭

東安

近郭清溪水遺碑記紫瀾雙橋橫岸闊一注落雲
寒野蓼花猶在林楓葉半殘烟光和夕照似得趁
憑欄

聞吳信辰刺史使都下

隨風曾唱渡江吟空盡人間去住心

余以去夏北上冬盡乃返

長沙君向滄浪歌短曲一時並寄入犁音

上都却得幾時廻南過衡陽無鴈來雲水茫茫楚
天闊爭能問信傍寒梅

孔明臺

湘西舊歸漢險僻此山阿規畫必身到煩勞膺務
多蔣侯才敢比郝普恨如何爲想攜參佐高天劍
珮摩

孝子潭

以宋人李
文珍得名

栩栩病眉開江魚入饌來冰堅合川澤食罷費疑
猜望眼雙懸久慈顏一笑纔爲兒不備養心痛正

徘徊

菊兒乞詩爲生母李三十生辰聊應之

薄宦十年隨故家
閩水湄鄉園長記
憶荆布共心期
憑几好開卷
剔燈勤課兒
他時能著論
爲佐酒盈卮